

BIZI DA BIZI

(“Begiak parrez parrez”)

1

Kristo Jauna biztu da
gaur dogu Pazkoa,
kristau zintzoak noiznahi bizi dau
“pazkoetakoa”.

2

Jesus gaur biztu dala
badogu sinisten,
zergaitik negar eta hiletak
ez doguz behin izten?

3

Biztu jakuna ez da
aldendu inora,
zuri ta niri, bidelagun lez
jatorku ondora.

4

Bakardadean lagun
beti gau ta egun,
pozetan eta nekeminetan
geugaz dago nahinun.

5

Kristau anaiartean
Bera da mahaiburu,
fedez ta pozez alkartzen gara
Beraren inguru.

6

Gure bizitzak badau
nundik norakoa,
gure zentzun ta zimentarria
biztu dan Kristo da.

7

Kristok askatu gaitu
apurtuz kateak,
eta zabaldu deuskuz betiko
zeruko ateak.

8

Alai, aske ta bakez
gizon danen anai,
hori da Kristok eskeintzen deuskun
grazi ta onginahi.

9

Bildur ta heriotza
hartu ditu mende,
bere indarrez onartzen doguz
hainbat lan ta neke.

10

Hauxe da bizipoza,
Zuri esker mila!
Kristo, Zeu zara bizi barria
darion pilpila.

11

Eskerrik asko, Kristo,
Zorionak Zuri!
Inok ez beste mesede egin
deuskuzu Zuk guri!

12

Basamortuan zehar
pozez aberrira,
Zeu bidelagun, zuzendu gaizuz
zoriondegira.

A.Martzel